



XUNTA ELECTORAL DE GALICIA

Asunto: Acordo da Xunta Electoral de Galicia, do 21 de febreiro de 2024, polo que se resolve a denuncia da representante xeral do partido popular fronte as declaracións efectuadas polo Ministro de Industria na visita a Redondela e Vigo.

Antecedentes

- 1º.- Con data 18 de febreiro tivo entrada denuncia da representante xeral do partido popular (doc. RE 540, 18.02.2024), fronte as declaracións do Ministro de Industria, Don Jordi Hereu, efectuadas durante a súa visita aos concellos de Redondela e Vigo, e que foron publicitadas na web corporativa www.Mintur.gob.es, redes sociais do ministro e Ministerio e recollidas polos medios de comunicación.
- 2º.- O día 19 de febreiro deuse traslado da denuncia ao Ministerio de Industria para presentación de alegacións ata o 20 de febreiro
- 3º.- Rematado o prazo para a súa presentación non se presentaron alegacións.

Fundamentación

Primeiro. O artigo 50 da Lei orgánica 5/85, do 19 de xuño, do réxime electoral xeral (LOREX), prohibe expresamente no seu apartado 2 durante o período electoral *“calquera acto organizado ou financiado, directa ou indirectamente, polo poderes públicos que conteña alusións ás realizacións ou aos logros obtidos”*.

Segundo. Na Instrución 2/2011, do 24 de marzo, da Xunta Electoral Central, sobre a interpretación do artigo 50 da LOREX, en relación ao obxecto e aos límites das campañas institucionais e dos actos de inauguración realizados polos poderes públicos en período electoral, inclúe entre as accións institucionais permitidas, *“as campañas informativas que resulten imprescindibles para a salvagarda do interese público ou para o correcto desenvolvemento dos servizos públicos. Nestes casos o envío de cartas ou mensaxes aos interesados ou a inserción de anuncios en espazos ou lugares públicos ou en medios de comunicación, deberá limitarse estritamente a proporcionar información de interese xeral sobre a conclusión dunha obra pública, a posta en marcha ou o funcionamento dun servizo público, sen que poida conter connotacións electoralistas nin alusións ás realizacións ou logros obtidos polos poderes públicos afectados”* [apartado cuarto punto b) e derradeiro parágrafo].

En actos financiados polos poderes públicos non se poderán realizar actuacións que teñan contido electoralista ou se empreguen como campaña de realizacións ou logros obtidos, resultando improcedente polo tanto, que as autoridades ou funcionarios realicen actos ou declaracións nese sentido (Ac. XEC do 8 de xuño de 2016, Ac. XEC do 14 de abril de 2011, Ac. XEC do 7 de abril de 2011).

Terceiro. A Xunta Electoral Central ten declarado reiteradamente que as administracións públicas no período electoral poden continuar co exercicio das competencias que legalmente teñen atribuídas: *«El artículo 50.2 de LOREG no prohíbe que durante los períodos electorales las*



XUNTA ELECTORAL DE GALICIA

administraciones públicas puedan ejercer las potestades administrativas que tengan legalmente atribuidas» (Ac. XEC do 4 de marzo de 2020).

Polo tanto, o inicio do período electoral “*no interrumpe aquellas actuaciones de los poderes públicos que resulten necesarias para la salvaguarda del interés público o para el correcto desarrollo de los servicios públicos*” (Ac. XEC do 10 de maio de 2011), e tampouco impide a información sempre que se limite estritamente a proporcionar aquela que sexa de interese xeral (Ac. XEC do 14 de abril de 2011) ou que sexa útil, carente de valoracións electoralistas e enmarcada dentro dunha campaña informativa específica (Ac. XEC do 16 de maio de 2019).

Cuarta. – A información denunciada se refire as axudas PERTEs VEC do Ministerio de Industria destinadas ao sector da automoción, e a visita en Galicia do ministro para animar ás empresas a participar nas diferentes líneas de financiación como parte da actividade ou estratexia propia do ministerio. En relación o contido das redes sociais denunciadas se considera que se limita a proporcionar información sobre as medidas adaptadas polo goberno, de igual modo que a publicación aportada relativa ao Faro de Vigo tamén se limita a informar sobre os motivos da visita do Ministro. Polo que, ponderando as declaracións e a información facilitada no presente caso, esta Xunta electoral non aprecia que exista vulneración do artigo 50 da LOREX por non considerarse electoralistas os feitos e informacións publicadas e denunciadas.

Á vista do que antecede

Acorda

Arquivo da denuncia.

En execución do presente acordo, e para o cumprimento do disposto no art. 21.2 LOREX, desenvolvido pola Instrución da Xunta Electoral Central 11/2007, do 27 de setembro, comunícolle que contra el poderá interpoñer recurso de alzada ante a Xunta Electoral Central, que deberá presentarse ante esta Xunta Electoral de Galicia, para o seu informe, antes das 14:30 horas do próximo día 24 de febreiro de 2024.

O recurso poderá presentarse por correo electrónico no seguinte enderezo:
xunta.electoral.galicia@parlamentodegalicia.gal